



門 28
編 28
卷 28



醫學質驗五種青囊瑣探下卷目錄

痘瘡倒靨及痘後內障奇方 [一]

本事拾金散

治疣神方 [二]

凍瘡妙方 [三]

取鷄眼子妙術 附鷄眼首藥二 [四]

知足齋德本十九方 [五]

表證 發熱惡寒 喘急無汗 惡寒身疼 頭強頭痛 欬嗽身痛 寒熱往來 乾嘔拘急

發陳湯

青龍散

榮陽湯

救疝散

容平丸

解毒丸

醫學質驗

青囊瑣探下目錄

一

靜儉堂



裏證 潮熱秘門 下利臭穢 黑胎譫語 大渴煩躁 自發熱無寒 胃腹滿痛

順氣丸 瀉心圓

痰證 喘鳴咳嗽 懸飲掣痛 頭眩欬逆

直行丸

心痛 胃痹 結胃 腹痛

理中散 芍藥散

食毒 宿食 吞酸 酒毒

玉丹 **附方** 黑丹

嘔吐反胃

噦噎

痢病泄瀉

禹餘糧丸

治疾脫肛 畏大補血

治瘡丸 強固 血脈 半表 蘇下 瀉 理血

痲疾 風寒 風熱 氣風

清濟子

瘧疾

霍亂

虛煩煩躁

上衝 眩暈 眼耳口舌

五疽

疝氣 惡寒厥冷 腹痛泄 腰痛 大便閉結

腫滿水腫鼓脹

磁石丸

五積六聚

中風 風痺 風濕 痛風

產前後 經閉 血塊 半產 漏下痛 衄血

吐血 男女諸血證

當歸散

小兒五疳 驚風

疳蟲丸

癩痢

瘡毒家

排膿散

發狂

痘瘡 麻疹

眼疾 六

加減四物湯

洗眼方

水賊煎

明目膏

灼明煎

充蔚子散

茗石散

洗爛弦風赤眼方

全目飲

乳香定痛散

神靈散

升麻葛根湯

分心氣飲

八物湯

明目地黃丸

梅瘡餘毒攻眼 七

清上丸

還陰解毒湯

加味敗毒湯

內疎黃連湯

澤醫治烏睛生白星 八

風眼經驗方 九

痘毒入眼 十

白芥子散

清上防風湯

望月砂散

鬼糞丸

眼胞痰核 十一

微瘡經驗治方 十二

浮萍通聖散

藥羔散

沈香化毒丸

加減化毒丹

當歸膏

辰砂膏

大化毒丸

牛蒡苓連湯

防已排毒劑

二葛四黃散

製生生乳簡便法 十三

諸家經驗方 十四

神仙百中散

大楓子丸

白丸

張靈丸

金聲散

跋日栗膏

醫學寶鑑

青囊瑣探下目錄

四

靜儉堂

玉振丸

密乙暱乙膏

干膚刺膏

鴉僕斯膏

底野迦真方 十五

亞尔牟的里亞加

舌疳妙方 十六

骨觀 十七

金鳳散 治骨 十八

下血塊妙方 十九

金瘡鐵扇散 二十

治癩瘡奇方 廿一

諸病蒸洗經驗秘方 廿二

痛風蒸洗方

治諸痛慰方

癰疽慰蒸方

蒸陰門瘙痒方

蒸陰囊濕痒方

蒸脫肛方

治癩癰妙方

牙齒疼痛 廿三

速効散

止痛散

丁香飲

開笑散

堅齒散

醫學質驗五種青囊瑣探下卷 信集

肥前橫尾斐君章

相州片倉元周深甫著 門人播磨西村翰羽王 全校

肥前村松 文郁

○痘瘡倒靨及痘後內障奇方

痘瘡有順逆驗三候其順症者不藥而愈驗症者醫治而
可免死至逆候則雖專門神手不過徒指其死期之日而
束手待斃悲夫予頃閱齊東野語載用狗蠅治倒靨方是
痘家書中所未嘗見者曰小兒瘡痘固是危事然要不可
擾之嘗見趙賓賜曰或多以酒麪等物發之非也或以消

毒飲升麻湯解之亦非也大要在固臟氣之外任其自然耳惟本事方捨金散最佳又陳南劍剛翁云痘瘡切不可多服升麻湯只須以四君子湯加黃耆一味為穩耳二說皆有理然或有變證則不得不資於藥癸酉歲兒女皆發痘瘡同僚拾蒼陳坡老儒也因言向冬教三山曰其孫方三歲發熱七日瘡出而倒靨色黑唇口冰冷危證也遍試諸藥皆不效因乞靈於城隍廟以下生死道經一士門士異其侵晨倉皇因遮扣之遂告以故士曰恰有藥可起此疾甚奇因為經營少許俾服之移時即紅潤如常後求其方甚秘惜之及歸方以見贐其法用狗蠅七枚狗身上搗能飛者

碎和醋酒少許調服蠅夏月極多易得冬日則藏於狗耳中不可不知也既而次女瘡後餘毒上攻遂成內障目不辨人極可憂遍試諸藥半月不驗後得老醫一方用蛇蛻一具淨洗焙燥又天花粉等分細末之以羊子肝破開入藥在內麻皮縛定用泔水熟煮切食之凡旬餘而愈其後程甥亦用此取效真奇劑也

捨金散本事方治小兒麻豆瘡欲出渾身壯熱情緒不樂不思飲食服此可內消仍令瘡無癢痕

紫草茸 升麻 糯米各半兩 炙甘草 一分
右麩末每服四錢水一盞煎至六分去滓溫服併滓再

作一服此療瘡疹奇方

升麻湯

四君子湯並見諸方書不錄于茲

○治疣神方 三

疣雖是小恙至其蔓延則雖容顏如毛嬙西施亦有其類醜言極醜似無鹽女子焉是以錄經驗數方使閣中患之者得歡心矣治疣神方屢試驗蛇蛻不以多少滾湯浸頻洗患處即瘳○又方治疣蔓延者以活蛤蜊一箇轉擦疣母上着粘訖乃放棄則其疣自脫其他子疣尋愈○又方薏苡仁二錢甘草一錢以水一盞半煎取一盞溫服四五日而疣如拂一方無甘草用大腹皮亦妙○又方將茯苓三錢水煎溫服

數日而自痊

○凍瘡 三

凍瘡大人患之者甚夥而在幼者最多此疾遇冬天則發於手足與耳朶後世謂之寒瘍或名凍風又發跟曰凍跟發耳曰凍耳其初起赤班漸而微腫得溫則癢痒殊甚若失治久不痊則變紫黑色而遂潰爛發膿重者穿肌肉方其瘳為癍痕如湯火傷瘡甚者耳朶墮落矣前哲治法有碧玉膏獨勝膏等予家傳一奇方方未破時與之百發百中應效如神方名掃凍煮散土茯苓二錢乾薑一錢右二味細剉盛絹袋嚴醋蘸上火乘熱慰患處日三四次輕者

醫學寶鑑
二三日重者七八日不潰爛而全愈

○取鷄眼子妙術四

鷄眼子生手足心是亦微恙雖然妨乎把握害乎步履焉世俗治之率皆灸患處或又以針穿之乃傳銅綠丹攀之類然是皆足取一時快而根治則難矣余嘗得一奇祝累試累効其法以粳米一粒無瑕者安眼子上以小刀或針向米上空書十字凡三遍書訖急以刀鋒刺席然後可放粳米於瀆水中至米化為水而眼子自失去此又不可以理測者也近覽乾坤生意載鷄眼藥二方因抄出而舉于左方

鷄眼藥

水銀 乳香 沒藥各等分 麝香少許

先用刀脩去鷄眼將血見愁搗爛成膏入前藥末少許同敷於患處絹帛縛定

又方 用血見愁敷之亦妙血見愁即地錦

○知足齋德本十九方引五

湖南稻葉克子念者初游浪華受業於吉益東洞門人某喜萬病一毒說好用峻藥資性魯直不見容世或在都下或在山野亦數破產游歷四方而為業矣寬政壬子歲自相州鎌倉移往甲州郡內客于桂林寺此年五月與里人俱登富士既至山麓則土人見克之佩刀曰凡登此山者

皆解刀留此請須託我輩克作色曰我舊武人子何敢解
刀邪遂登山顛極眺望稍下而憇沽酒取微熏興趣勃然
至第六合四十里為一合與同游俱取先導所齎之大草
鞋着之糝自沙拂下回馬而此坂繩路一條直下十有餘
里當其下則細沙亂石隨步而崩後人之足在前人之肩
魚串而下故欲止不能一瞬之間忽到山麓而克獨中途
失道陷大澤中纔出四顧則不見人家惟澗水琮瑤若鳴
珮環青樹翠蔓蔭蔽蕪蒼克無奈何獨躊躇于溪邊意祈
岳神尋樵路則日漸落西山憂懼之間適遙見一農夫之
過克喜大聲呼之語以前事且問回馬道則曰距此三十

餘里山路嶮峭岨阨羊腸榛莽蔚塞奚得往焉顧因客佩
刀以犯山禁蓋神靈之咎至此極耳請宜謝罪也克乃浴
澗水仰岳拜謝數回農夫憐之延造其里之黑川邑令宿
一小寺寺僧頗知醫相見互喜遂出一書示克曰此書近
邑民家累世所傳即知足齋德本所述也克即讀之則書
中所載僅一十九方取之左右主治百病其方簡而不繁
峻藥居十之七與世所傳之梅花無盡藏大懸隔而與其
所崇之萬病一毒說幾相似克大喜不知手舞足蹈乃騰
寫以歸比諸金科玉條矣後游駿遠之際少試之復來東
都以此書為誇具非得方金十星則不敢許傳人予好方

技之癖素到膏盲偶聞之雖有意看其書無緣言面既而
歷歲餘矣近一門人於江戸橋路傍一書肆以青錢二十
四文購得一小冊子以致予予覽之則嘗所傳聞德本之
書首有稻葉克序以國字書前項所述之事而歲月姓名
下有欵識則蓋係克之所自筆卷尾有東洲左潤跋惟恨
此書文理不接顛倒錯置亦復不少因改竄潤色其大半
使人始可讀之後會左潤言得此書之由則曰曩克於日
本橋大路往來偶為攬客所奪夾帙時併失其書云夫德
本有名醫之稱人口之所膾炙矣而真書之不顯於世者
幾二百年克苦身體忍飢渴偶然得此書以為奇事矣而

今予在都下不勞體膚不識其人而自歸我挿架者此不
亦奇緣乎蓋予生平有意于壽蒼生每得奇方妙藥不獨
自秘輒著書以與衆俱焉是以天示我此書者歟予之於
克雖未有一面之識未知其為人何如又曷可秘邪因附
載于此顯德本之幽光以傳不朽克覽之豈得以予為非
哉

近甲州門人高木甫齋來予欲使彼歸鄉之次造黑川
邑索此書之原本以訂正乃高本生跋陟嶽岨遍歷峽
中無所謂黑川邑者矣因至桂林寺詢之寺僧曰德本
十九方往年自山梨郡元明傳而為克所奪去云然則

克欲使人信而奇其事者歟

表證

發熱惡風

上衝自汗

項強頭痛

寒熱往來

喘急無汗

惡寒身疼

欬咽痛

乾嘔拘急

凡脉浮者表症也皆自風寒起當發汗○病人發熱上衝頭痛惡寒汗出者或胸以上似有汗者或腹拘痛者或下利者或如瘧狀發熱嘔者發陳湯主之

發陳湯

茯苓

半夏各四分

柴胡

桂枝

芍藥

黃芩

生薑

各三分

蒼朮

甘草

各二分

右九味以水二合煮取一合去滓溫服○若咽喉腫痛

欬嗽者兼用青龍散

青龍散

治咽腫疼痛咳嗽者或痰喘咳嗽無汗者或胸

跳目眩者或欬逆吐食者或咽痛甚吐痰血者

茯苓

四錢

大黃

五味子

青礞石

各三錢

甘遂

甘草

各二錢

右六味為細末每服八分白湯送下或作丸用之亦可

寒熱往來振振無汗頭項強痛背脊拘急或呼吸促迫身

體骨節疼痛者或咽喉喘鳴欬者並與榮陽湯主之

救疝飲 治中風風濕痛風痺疝氣腰痛腹痛等症又

半身不遂口眼喎斜或語言蹇澁者和發陳湯服若不

善學音會

音囊瑣探下

七

靜儉堂

以下一百三十一字
宜補榮陽湯主之
治瘡家骨節疼痛或
寒熱往來振振無汗
方與救時
飲和服時
時以瀉心
風濕骨節
宜以此方
和救時飲
若喘急胸
滿或久不
久或久不
者此湯及
直此湯及
服斷根水

榮陽湯 葛根 芍藥 麻仁 杏仁 甘草 生薑 右八味以水二合煮取一合服之
 惡寒身熱 骨節疼痛 飲酒和之 口乾舌燥 者兼用平 湯丸而大 便硬者兼 用解

大便者兼用解毒丸又寒疝腰痛浙浙惡寒或大便閉結或瀉下或腹滿痛按之反不痛者或胸痺心痛者或胸腹疼痛惡寒戰慄者及腹鳴寒痛手足逆冷者並此方主之又淋疾久不差腰痛者和清濟子服時時以玉丹下之

茯苓 芍藥 各八分 鬼縛 四分 甲州方言屋暱貴駿栗此品華名未詳蓋瑞香之類

白朮 六分 附子 二分 右五味以水二合煮取一合溫服

容平丸 口舌乾燥渴欲飲水胸腹疼痛者此熱痛也宜此方若甚者和解毒丸等分

石膏 五錢 瓜蒌根 三錢 甘草 黃連 各二錢

右四味為末打米糊丸梧子大

解毒丸 治胸痺心痛或噦噎腹滿按之痛大便閉結或下利臭穢或面色如醉言語錯亂者若發狂者此方順氣丸各一錢和服後與瀉心圓○如嘔家胸痞心煩者和理中圓○如吐下止而煩者及熱在裏心中悸動煩燥不能眠或胸痛肩息苦煩並容平丸和服○如黃疸病腹滿心悸大便硬者兼用瀉心圓○如黃病無餘症者磁石圓和服○如積聚家胸煩心下痞硬噎氣者及大便硬煩者並瀉心圓兼服○如飲食不下咽者以生姜汁送下此丸

大黃三錢 黃芩 黃連各二錢 山梔子一錢

右四味為末打米糊為丸

裏證 潮熱秘閉 黑胎譫語 發熱無寒 胸腹滿痛

下利臭穢 大渴煩躁 自汗惡熱

凡脉沉數者是裏症也若身厥冷欲除衣者熱入骨髓也病在裏者無寒時熱或腹滿按之痛或大便秘結或下利臭穢或面色如醉譫語發狂或舌胎黃黑者是宜順氣丸解毒丸和服後當以瀉心圓稍稍下除熱

順氣丸 大黃 芒硝各等分

右二味為末打米糊丸

瀉心圓 治結毒骨節疼痛者熱在裏腹痛者諸毒停滯

胃中胸下苦悶者魚毒菌毒之類天行痢疾用此方腹痛止者

宜用禹餘糧丸○凡諸病用對症藥後少用此方取快

利○發狂者隨症與藥後互用此方及玉丹而可○又

治痘瘡麻疹熱毒甚者○又朝食暮吐者用此方若結

實不去宜與玉丹○又赤白惡毒痢藏府撮痛者先用

順氣丸時時以此方下之○結毒筋骨痛者本方最妙

大黃四錢 白礬二錢 輕粉 鼠酒各五分即巴豆

右四味為末打米糊為丸 醫學寶鑑 吉囊瑣探下 九 靜儉堂

如熱在胸腹舌燥好飲水者容平丸解毒丸兼用○邪氣
在半表半裏者必寒熱往來發陳湯順氣丸兼用○凡
裏症汗多者容平丸順氣丸

痰證 喘鳴欬嗽 懸飲掣痛 頭眩欬逆

大熱惡寒吐痰欬嗽者宜榮陽湯○無汗發熱欬嗽吐痰
或心中悸目眩者宜青龍散○或面目浮腫或痰飲盛
者將青龍散兼服直行丸○如咽喉如鋸聲每欬自胸
背引小腹痛或手足攣痛者直行丸主之○如欬逆吐
食或咽痛甚吐痰與血者宜青龍散○如喘而迫胸膈
或欬嗽久不愈者以榮陽湯兼服直行丸久服以斷病

根

直行丸 治痰喘欬嗽頭眩嘔逆懸飲掣痛結胃胃高起
心腹疼痛甚者手不可近水腫欬嗽等症其他風濕痛
風骨節疼痛及痰飲變成諸症者悉能治之

大戟 大黃 各一錢 牽牛子 五分 芫花 甘遂 各五分
右五味為末稀糊丸每服二三十粒

心痛 胸痺 結胸 腹痛

心腹疼痛舌乾欲飲水者是熱痛也宜容平丸○胸硬高
起痛手不可近者是結胸也直行丸主之○胸中寒有
凝痰宿飲而痛者是胸痺也理中散主之○腹鳴寒痛

手足冷者是伏寒也救疝飲主之○腹拘攣而痛者是外邪也發陳湯芍藥散和服○熱在腹裏疼痛者宜瀉心圓○但腹中拘攣滿痛者宜與芍藥散如好甘者以甘草膠飴煎汁和服尤妙○如心腹疼痛諸藥不效者宜兼施直行丸○心痛徹背背痛徹心冷汗出而脈結氣息欲絕者以甘草湯送下理中散尤妙也

理中散 治瀉洩腸鳴胸下痞硬小便不利者若下利不止者與禹餘糧丸又治淋家腰脚冷小便頻數及尿蓐○如小便利後莖中痛者兼用清濟子○又癩癩症世皆以為難治是水毒變病也以此方及疳蟲丸久服則

無不悉愈者

茯苓 五錢 人蔘 錢各三 蒼朮 錢各三 桂枝 乾姜 甘草 各二錢

右六味為散服

芍藥散 腹中拘攣痛者是外邪也宜發陳湯芍藥散和服又天行痢無餘証者此方及順氣丸

芍藥 香附子 錢各三 厚朴 白朮 甘草 各二錢

右五味為散服或水煎亦可也

食毒 宿食 吞酸 酒毒

飲食停滯而噯氣腐臭者宜理中散○大便硬者與解毒丸○停酒亦宜用解毒丸○魚毒菌毒停滯胃中胸下

苦悶者宜以瀉心圓下之。○諸食毒在胸腹不消化疼
痛甚悶亂欲死者急與玉丹以取吐瀉為妙。

玉丹 治胸腹劇痛躁擾悶亂或角弓反張欲卒死者又
卒倒不省人事者及小兒驚風其他瘡毒淋疾痔疾脫
肛下血癖積等及諸般實病當審其輕重淺深每服一
二分漸加至一錢取下惡物。

水銀 鼠酒各五分 大黃 三錢 黑鉛 乾生姜各二錢
右五味為末打米糊丸。

附方

黑丹 原無方名 治水病身體洪腫小便不利百藥無效者

水銀 黑鉛 鐵砂各等分

右三味為末打米糊為丸。周按即局方養正丹以辰砂換鐵砂者耳。

嘔吐反胃

諸嘔吐之証胸下痞硬或小便不利而吐逆者宜與理中
散若嘔不止者以生姜自然汁服之。○如發熱而嘔吐
者於發陳湯方內加生姜一錢。○如飲食停滯心下而
疼痛或朝食夕吐者宜以瀉心圓下之後以理中散調
和中焦。○凡嘔吐之証心煩胸痞大便硬者解毒丸理
中散和服。○如結實者與玉丹。

噦噎

醫學寶鑑

青囊瑣探下

十二

靜儉堂

噦者宜服解毒丸○如胃中虛寒噦者以理中散熱湯攪
調服之並皆將清濟子米糊和調貼足心或灸臍中亦
可也○如噎飲食不下咽者以生姜汁送下解毒丸
清濟子 見水病

痢病泄瀉

熱利腹痛裏急後重下赤白汚濁者順氣丸兼與瀉心圓
漸漸下之可也○病輕者宜解毒丸○天行疫痢初得
發熱頭痛惡寒下利澀滯者發陳湯順氣丸兼服○如
大便澀滯肚腹拘攣無餘症者芍藥散兼以順氣丸○
凡痢疾宜先以瀉心圓瀉熱毒腹痛澀滯止後當以禹

餘糧丸止之○泄瀉澹洩者胸下痞硬腹中雷鳴者並
宜與理中散如不止者兼用禹餘糧丸○痢疾下血不
止者禹餘糧丸最妙

禹餘糧丸 治邪在臍下按之濡而痛者及下利便膿血
者又治臍上臍下臍傍皆痛者

禹餘糧 赤石脂 代赭石 各二錢 將軍 四錢
右四味為末打米糊丸

痔疾脫肛

痔疾之為病濕熱鬱蒸釀成者多宜以救疝飲兼用順氣
丸逐濕熱除瘀血○脫肛下血者宜禹餘糧丸○凡濕

瘡瘡毒痔疾下血脫肛之類久不愈者並用治瘡丸一劑更與玉丹取瀉下則必愈而不復發

治瘡丸 治瘡毒家及無名惡毒腫神方也宜與瘡毒門參看

龜板 辰砂 大黃 各四錢 輕粉 五分 右為末米糊丸

痲疾

痲之為病欲小便滴瀝澁痛難忍或出膿血是也宜用清濟子○久痲有畜痰而小腹拘痛小便頻數或尿血者當歸散清濟子間服可也○如大便結燥甚色黑者兼用順氣丸○痲疾久久不愈腰痛而時寒慄者救疝飲

餘糧丸止之○泄瀉溇洩者胸下痞硬腹中雷鳴者並宜與理中散如不止者兼用禹餘糧丸○痢疾下血不止者禹餘糧丸最妙

禹餘糧丸 治邪在臍下按之濡而痛者及下利便膿血者又治臍上臍下臍傍皆痛者

禹餘糧 赤石脂 代赭石 各二錢 將軍 四錢 右四味為末打米糊丸

痔疾脫肛

痔疾之為病濕熱鬱蒸釀成者多宜以救疝飲兼用順氣丸逐濕熱除瘀血○脫肛下血者宜禹餘糧丸○凡濕

瘡瘡毒痔疾下血脫肛之類久不愈者並用治瘡丸一劑更與玉丹取瀉下則必愈而不復發

治瘡丸 治瘡毒家及無名惡毒腫神方也宜與瘡毒門參看

龜板 辰砂 大黃 各四錢 輕粉 五分 右為末米糊丸

瘰疾

瘰之為病欲小便滴瀝澀痛難忍或出膿血是也宜用清濟子○久瘰有畜瘰而小腹拘痛小便頻數或尿血者當歸散清濟子間服可也○如大便結燥甚色黑者兼用順氣丸○瘰疾久久不愈腰痛而時寒慄者救疝飲

清濟子 和服猶不愈者為有瘡毒宜間以玉丹下之○如腰脚冷而小便頻數時睡中遺尿者宜理中散得小便快利後陰痛者兼服清濟子

防已 白朮 商陸 滑石 各二錢 甘草 二錢

右五味為散每服一二錢日三服

瘰疾

五瘰當發其邪宜發陳湯○大渴者兼以容平丸○大熱譫語者兼用瀉心圓○欬而引胸中痛者兼用直行丸○凡瘰疾久不愈者有用疝蟲丸取下蟲而愈者

霍亂

霍亂之為病發熱惡寒嘔吐而利咽喉乾燥或渴飲水而吐手足逆冷小便不利或發熱腹痛手足痿弱此症皆宜用理中散發陳湯○如吐利止後心煩者解毒丸平陽丸兼服○渴飲水小便少者是消渴也理中散容平丸並用

虛煩煩躁

熱氣入內胸跳難眠或胸中痛舌上黃黑呼吸促迫動肩者宜解毒丸容平丸並用如熱實于裏苦楚煩躁呻吟動隣者宜以瀉心圓下之

上衝

眩暈

眼耳口舌

眩暈者理中散或發陳散○眼耳口舌病皆上衝也發陳湯解毒丸並用可也

五疸

黃疸病汗染衣者發陳湯兼以磁石丸○如心煩者宜兼用解毒丸○如遍身黃黑腹脹大便黑時時下利者磁石丸順氣丸並服如不效者當用清濟子○如腹滿胸跳大便硬者解毒丸瀉心圓兼服○如渴欲飲水而小便不利者容平丸解毒丸兼服○如五疸難別久不差者宜磁石丸解毒丸和服○如汗出者與瀉心圓以少

少下之

疝氣 惡寒 厥冷 腹痛 腰痛 大便閉結

陰囊縮小 大便溏泄

寒疝證振振惡寒腰痛便閉或瀉下或腹滿疝痛按之不

痛者宜用救疝飲○如上衝頭痛惡寒身體骨節疼痛

者宜發陳湯救疝飲和服○如發熱經日不解舌上黃

黑小腹疝痛按之愈痛者宜用瀉心圓

腫滿水腫鼓脹

鼓脹者身體瘦而腹獨脹滿宜常用磁石丸時時以瀉心

圓及玉丹下之○水腫者當發汗利小便宜榮陽湯和

清濟子○若咽中乾者間下容平丸○凡水腫欬嗽者

當以直行丸下之○身體黃腫者宜磁石丸

磁石丸 治遍身黃黑肚腹脹滿大便黑時時下利者與

此方兼以順氣丸

浮石 三錢 磁石 二錢 滑石 三錢 大黃 四錢

右四味為末打米糊丸

五癘六聚

癘者積也水穀之毒皆成積聚也心下痞而痛或小便不

利飲食無味口吐涎沫者宜理中散○如胸腹疼痛甚

者可用芍藥散○如胸中煩而心下痞鞭或噯氣不除

者可下解毒丸○如有癩塊或血癩而大便色赤黑者宜與順氣丸所謂疔癩心氣不定者其狀殆如驚風是也宜疔蟲丸○如卒倒者宜急用玉丹○如身體浮腫色青黃荏苒久不痊者宜磁石丸凡大便硬而煩者當用解毒丸瀉心圓

中風 風痺 風濕 痛風

半身不遂口眼喎斜攣引者發陳湯對救疔飲煎服若大便秘者更下解毒丸○風痺亦同治○風濕之病身體骨節悉痛者榮陽湯對救疔飲煎服若咽中乾而渴者更下容平丸大便硬者下解毒丸若痰飲欬嗽者兼用

直行丸 ○痛風亦同治

產前後 經閉 血塊 半產 漏下痛 衄血 吐血

男女諸血證

孕婦產前常宜服當歸散○如產前大便硬者間致難產宜當歸散下解毒丸○如產後血暈及胞衣不下者又月經不順或有血塊下白物者並皆同治法○半產及漏下不止者以當歸散溫酒調下○凡男女諸血症宜當歸散解毒丸兼服

當歸散

當歸 芍藥 各三錢 芎藭 牡丹皮 甘草 各二錢

青囊瑣探下 十七 靜儉堂

茯苓四錢

右六味為末

小兒五癩 驚風

小兒病多難辨別，然癩証最居多，常宜用疳蟲丸，以是治百病，奏功者過半矣。○又驚風發熱，手足動搖，筋惕肉瞤者，屬發陳湯症，用此兼下疳蟲丸可也。○如角弓反張，欲卒死者，宜急用玉丹。○凡小兒素有胎毒，加以飲食過度，因循而食，與毒停畜而成病者，宜時時以玉丹下之。

疳蟲丸

水鼈子各三錢 大黃一分 藜蘆五分

右三味為末，神麴糊為丸，黍米大。

癩癩

此證世為難治，然是水毒之變病也。理中散疳蟲丸，交久服而全愈。

瘡毒家

諸腫毒、頑瘡、無名惡瘡，俱皆宜排膿散。○熱甚者發陳湯，惡寒甚者救疝飲，須量病熱兼用解毒丸。○瘡家用諸藥無效者，用治瘡丸一劑，繼以玉丹下之。其他諸惡瘡、毒結毒等，醫治無驗者，治瘡丸尤神效。○如瘡毒入裏。

骨節疼痛或振振惡寒者宜救疝飲榮陽湯間與玉丹以取下必愈

排膿散

反鼻

鹿茸

各二錢

鼯鼠

二錢

上茯苓

五錢

右四味為散

發狂

發狂者宜玉丹瀉心圓○如口舌乾燥者容平丸解毒丸兼服○如病勢盛者以甘草湯煎汁下容平丸數錢○如大便漆黑者宜用順氣丸

痘瘡

麻疹

初起宜用發陳湯瘡已出者兼用解毒丸皆當從外證求治方○熱毒甚難救者與瀉心圓○瘡黑陷者以藥蔓自然汁下治瘡丸

○眼疾 六

眼疾有顛科而先哲既備載各冊或為一百六十證或為七十二證以論之獨明傅仁宇著審視瑤函定為一百有六證而其所論按候察法覽形辨色詳悉無遺又鈎割針烙之治藥劑補瀉之法縷晰森森以鏡其要業斯道者不可不讀者在 本邦亦精其治術者往往有焉或針瞳子而出膿或刺眼胞而放血或浸銅器於鹽湯以慰眼內

或灸眼珠等之事最能工其術有志之士宜就而學焉余非專科則未敢究其術今舉所經驗方一二以與眾俱云
加減四物湯 目疾外障通治之劑

當歸 川芎 芍藥 薄荷 荆芥 菊花 白芷

細辛 黃芩 各中 甘草 下 右十一味水煎溫服

洗眼方

荆芥 防風 蔓荊子 菊花 紅花 薄荷 各等分

右煎湯先熏後洗

掃紅煎

出蔣示吉通醫外治

治時眼紅腫痛爛

方見產科發蒙四卷

眼胞糜爛甚者加艾葉菊花其效如神

木賊煎

小兒胎受熱毒生下兩目不開者此方神驗 見丹

溪醫

燈心 黃連 木賊 秦皮 棗肉 各五分

右以水二盞煮取一盞頻頻洗之乃開

明目膏 治一切目疾赤腫疼痛羞明難開者又小兒初生眼胞脹起閉而不開者點藥於筆頭入眼內則二三日而必效但要入藥於深淺則無效

硼砂 海螵蛸 爐甘石 各十錢 龍腦 一錢 辰砂 八分

右乳鉢內細碾數千遍用煉蜜半兩復碾勻為膏以少許點入眼角緊合眼而睡着極妙 若痒甚者加枯

灼明煎 治諸般眼疾赤腫生拳肉疼痛甚者神效

膽礬下 白礬下 芍藥中 黃連中 杏仁中

蔓荊子中 荊芥上 右煎湯頻熏洗累試累效

撞刺生翳或刺痕傷損血流出遂生血翳或疼痛難忍者

宜用充蔚子散外以茗石散點眼內殊效

充蔚子散 充蔚子 防風 川芎 玄參 桑白皮

桔梗 知母 藁本 白芷各一錢 細辛半錢

右每服三錢水煎溫服如熱甚者加大黃芒硝痛甚者

加香附子

茗石散 天石二錢 蛇骨二錢 虎肉一錢 蕞荷根搗取汁細細

一錢醫家名曰茗石 右極細末乳汁和勻入眼內

洗爛弦風赤眼方審視 其效如神此藥人家不可少無目

病則以施人價廉工省濟人甚便

苦參四錢 五倍子 荊芥穗 防風 黃連各三錢 銅錄五分

右為細末外以蘇薄荷煎湯丸如彈子大臨時用以熟

水化開洗眼每日三次立愈神效

全日飲石室秘錄 目痛常治方 白芍三錢 白蒺藜二錢 甘菊花

當歸 柴胡 荊芥 防風 半夏各一錢 甘草五分

梔子二錢 右水煎服二劑即愈若不愈宜含

乳香定痛散乾 治暴赤眼疼痛不可忍者初發眼後用

醫內經卷之八

神靈散鼻內吹 當歸 川芎 芍藥 草龍膽

細辛 漢防已 各等分 乳香 半兩

右咬咀每服五錢水二鍾煎至一鍾去粗溫服

神靈散 焰硝 二兩 黃丹 五錢 雄黃 三錢 沒藥 乳香 各一錢

右為細末口含水用管鼻內搐之

升麻葛根湯 李東壁云治陽氣鬱遏及元氣下陷諸病

時候赤眼每有殊效周嘗治時候赤眼寒熱頭痛者加

菊花細辛多取奇效

分心氣飲加菊花 治婦人諸氣不和經行不順微惡寒

眼赤爛者

八物湯加菊花復枯草蔓荆子 治內障久服見效

明目地黃丸 治腎虛目昏

熟地 二兩 山藥 山茱萸 丹皮 歸尾 五味子

柴胡 各五錢 茯苓 澤瀉 各二錢半 右為末煉蜜丸朱砂為衣

○梅瘡餘毒攻眼 七

清上丸 治瘡毒害眼者

竹筴 二錢 輕粉 一錢 大黃 黃連 黃芩 各二錢

右為末糊丸赤小豆大辰砂為衣每早午時黃昏空心

並以十五粒白湯送下

敗毒散倍薄荷加天麻 治濕毒侵眼生赤脉白醫努肉

醫學寶鑑

青囊瑣探下

二十二

靜儉堂

或疼痛者

內疎黃連湯

審視

治諸瘡毒皮色腫硬發熱作嘔大便結

而脈洪實者攻及兩眼或一目赤痛紅腫并治

黃連 炒 梔仁 黃芩 當歸身 桔梗 廣木香

檳榔 赤芍藥 甘草 蘇薄荷各八分 製大黃

連翹各錢二分 右剉白水二鍾煎至八分去滓食遠服

還陰解毒湯同上 治梅瘡餘毒未清移害於肝腎以致蒸

灼神水窄小無赤絲黑白混濁不清看物昏眊不明

當歸酒洗 川芎 生地黃 金銀花去葉 連翹 黃芩酒炒

黃連酒炒 苦參各一錢 土茯苓 細甘草各五分 白芍藥

酒洗 麥門冬去心 玄參各一錢

右剉劑白水二鍾煎至八分去滓溫服

○澤醫治烏睛生白星八

一老嫗曰妾壯歲患眼疾速內外施治痛楚一定忽烏睛

生白星累月不去百方無效有一澤醫教曰以兜尿細

末盛青絹袋熱湯浸頻頻熏洗之則當失矣乃如法行

之而全愈予頃讀審視瑤函曰廣陵甘棠鎮王海明子

痘後睛珠突出偶一客見之告曰此目有一藥可治不

知能得否詢之乃胎免也其父遍覓得之按方炮製藥

盡而目收余推幼幼之心故廣其傳周按古方有免血

九免頭煎湯皆稀痘妙藥又本草引蘭氏經驗方云治
痘後目翳用免屎二七枚以雌雄棋榔各一枚同磨并
花水調服百無一失云云夫免屎治目疾如此因併記
○風眼經驗方九
風眼初起疼痛太甚脉浮大有力先與荆防敗毒散次宜
用防風通聖散主之或將紫圓取一下須臨証消息矣又
有淋疾熱毒上攻發于眼目者其証與風眼一般但脉沈
為異也宜以防風葛根羌活之類為主若誤用防風通聖
散等瀉下之劑則必失明慎之

○痘毒入眼十

治痘毒入於目之法痘科諸書詳載之亦何贅矣然予有
一訣凡痘當灌膿收靨之時眼一旦開而復閉者必毒害
乎眼也此症淚自溢出者不失明矣若乾枯無淚者多致
失明矣治之之法外宜以柳蠹蟲數個插如泥絞取汁類
灌眼內別以白芥子散貼足心內宜服清上防風湯兼用
望月砂散兎糞丸百發百中累試累驗

白芥子散

白芥子上阿膠下

右研細末米糊調毒入於左眼

者貼右足心入於右眼者貼左足心七八日而必效

清上防風湯

防風 黃芩 黃連 梔子 桔梗 白芷 枳殼

荆芥 連翹 薄荷 川芎 甘草

右十二味水煎或加兔屎

望月砂散

谷精草 蜜蒙花 蟬退 去翅足 各五錢 望月砂 炒一兩

右為細末每服五分白湯下

兒糞丸

兒糞炒乾為末蜜丸菜豆大每服二三十丸酒下

○眼胞痰核 十一

丹溪心法曰眼胞痰核結於上下眼胞皮裏肉外其形大

者如棗小者如荳推之移動皮色如常硬腫不疼由濕痰氣鬱而成外用天南星蘸酢磨濃頻塗眼皮日數淺者即消日數深者雖不能即消常常塗之塗令皮薄微微剝損以手指甲擠出如白粉汁即消

○微瘡 十二

余嚮著微癘新書已布於世距今十餘年其間經驗頗多因采摭以舉左方

凡患下疳便毒者其脉必沈細也便毒發於右則右尺脉沈細也發於左者左尺脉沈細也

凡疔瘡以不痛為常為易治痛者為變為難治龜頭或稜

後發瘡其形圓凹而淺者易治又自稜後凹處引莖發瘡形細長而淺者次之又瘡發稜後凹處回莖橫長者腐潰速而逆證也邦俗謂之創首下疳

微瘡痛甚者用通聖散加苦參一錢外以藥羔散敷患處一日而痛失如神內經諸痛為火故以寒藥收效

微瘡發遍身者宜浮萍通聖散兼用沈香化毒丸即瘥○如發砂仁瘡者却不易治宜用加減化毒丹

疔瘡腐爛色赤中心稍高起者以浮萍通聖散合大黃牡丹湯主之兼以沈香化毒丸一錢二分冷水吞下○如疼痛者貼當歸膏○如膿汁出多者貼辰砂膏○如痛

甚者用通聖加苦參湯如前法或以黃栢石膏鉛丹各

三四錢水煎候冷盛器蘸陰莖其效如神

結毒筋骨疼痛者與沈香化毒丸歷五日而痛益甚者其愈必速也十日許而安○如歷五六日依然而疼痛如故者其愈必遲不歷二旬許則不見效

下疳微瘡腐爛積月累歲不差者宜與加減化毒丹

一種有陰莖皮弛裹稜不脫稜後凹處潰爛莖皮腫起馬

口膿出邦俗謂之蠟下疳又龜頭潰鑿漸漸延及於莖

潰爛不止者世亦謂之蠟燭下疳即蠟燭發又咽喉潰爛或

穿孔者謂之喉穿即喉癰並皆重若莖中痛甚者尤重非

用大化毒丸則不能奏效也然此証甚稀

患徽瘡下疳瘡者悞早服輕粉粉霜後變致頭痛或耳鳴

等症久久不愈者宜拔毒丸方見徽瘡秘錄

服加減化毒大化毒等丸者當大便日二三度下利此為

常候或歷四五日猶秘結者儘亦有焉不可慮必當忽

然下利七八行來得下利則須知其愈在迤也

病者已服輕粉口舌糜爛者以鷄卵一枚碎攪化含嗽若

重者以柘榴皮三四錢水煎頻頻含嗽必愈

便毒初起者宜用牛蒡苳連湯有神效

結毒筋骨疼痛者將防已排毒劑下二葛四黃散屢有得

奇效

浮萍通聖散 卽防風通聖散加浮萍一錢方見徽瘡新書

藥羔散 治徽瘡下疳疼痛者

黃蘗 石膏各等分 右細末敷患處

沉香化毒丸 治一切徽毒下疳及筋骨疼痛

沉香 大黃 人參 黃蘗 芽茶 甘草

枯鹽二錢七分五釐 白丹砂擦破三分作白四分 筋骨痛五分此分兩一大秘事

右細末打米糊丸赤石脂為衣每服一錢二分冷水吞

下重者漸加至二錢 禁烏魚獸肉麪條油膩糯糞菓

物蔥韭牛蒡鷄卵豆腐飲酒房事等件

加減化毒丸

牛黃 丁香 猪菜各一錢 琥珀 鬱金各二錢 朱砂

雄黃 乳香 亂髮灰 白鮮皮 穿山甲各三錢

製大黃四錢 白僵蠶八錢 生生乳一錢

右為末用神麴末五錢打稠糊入藥搗勻丸如梧子大

朱砂為衣每早空心服七分以人參末三分白湯攪勻

以是送下每旬空心服三分以人參末三分送下如上

法○此方骨痛者無効驗唯用腐爛數月者尤有効

當歸膏 治腐爛疼痛者清血熱又治灸瘡

當歸 地黃各三錢 白蠟七錢 麻油四錢

以當歸地黃入麻油中鐵銚內煮候歸地枯浮油面去渣下白蠟溶化將細布濾去滓聽用

辰砂膏性冷 治疔瘡拔濕毒止水汁多出去血熱甚妙

黃蠟四十錢 椰子油十錢 猪脂十五錢 麻油復四十錢冬五十錢

右四味以文火煮片時細布濾去渣更將竭血七錢 鉛丹四錢

辰砂三錢 極細末微微加攪和貯磁器聽用

大化毒丸

即加味化毒丹用白丹砂二錢加入中白神水金頂砂

宜與微瘡私錄參看

牛蒡芩連湯 治魚口便毒如神

黃芩酒製 黃連酒製 桔梗各二錢半 石膏各一錢半 連翹 玄參

牛蒡子炒各一錢 大黃酒 荆芥 防風 羌活各二分 甘草一錢

每服四錢加生姜三片水煎服或加奇長二錢

防已排毒劑 治結毒筋骨疼痛不能步履者

茯苓 獨活上 桔梗 川芎中 枳實中 柴胡中

防已上 甘草下 生姜下

以水二合煮取一合溫服

二葛四黃散見微癘新書 此方治結毒筋骨疼痛之神方然

數日與之則以口中糜爛患者或畏之是以用此方三

日後間服通聖散末一日而復與此藥則無有口中腐

爛之患矣凡用化毒丸之類亦復然但將通聖散作丸耳此一大秘事不可與俗人語也

○製生生乳簡便法十三

微瘡秘錄所載製生生乳法中曰羊城確曰八卦爐之類不能詳何形狀又雖言三香足離火其香之長短大小亦不可知且至于微微擦水於盞底等事人往往不堪其煩曩門人今村子正了解簡便製法予依其法甚易易今錄于茲以示初學

煨煉礬石十二錢 綠礬十二錢 雲母二錢五分 盆硝十六錢

朱汞九錢六分 食鹽十五錢 枯礬五錢六分 青鹽三錢五分

右件共研不見星入磁器密封二十日取出入磁爐內

貧家所用價賤者佳俗言斯藥吉訥非已列上火藥化為蟹目沸則以筋攪

之不可止手俟其凝結乾燥離火候冷用小新土器密

蓋收艾炷者世俗言灸瓦此物大抵與煙爐口相伴以紙撚或麻線扎定如十

字樣次以麩粉鷄子清和調為糊以是固濟縫合處待

乾倒安大磁盆之中心邦俗所稱之手水鉢也口寬尺許高七八寸者妙乃加

灰於四圍與磁爐底平等又另於矮坐洗盆內邦俗所稱手水

盤盛水三四寸乃安置磁盆於其心以浸底於水中陳與

氏微微擦水於盆底者同意然後熾炭置磁爐底先用文火漸漸加

炭用武火二三香足用尋常香黃土色者離火先用甘草牙皂各

二錢濃煎汁收別器以之灌瓦器底埋土中一日夜取

來發開則白丹砂在瓦器底裏如束針之狀依陳氏法以白丹砂

厚紙包裹浸甘草牙皂煎汁片時取出埋土中三日夜取來晒乾亦可取來每兩加冰麝

各七釐辰砂九分共研極細外用乳香一錢二分滾水

燉化和前末研勻為丸每重一錢一分外以黃蠟封固

即名生生乳夫陳氏製法取白丹於上此法取於下其

法雖殊理則同學者宜察焉

○諸家經驗方十四

予好醫方之癖聚諸家所經驗之秘方無慮數百今舉其一二以示同志君子

青囊瑣探下 三十 靜儉堂

神仙百中散 治紫赤黑白癩疾百發百中屢經驗無比
神方非其人勿傳

人參 白蛇 烏蛇 血竭 真珠 各六

右為細末日用一泉加金粉二分白湯送下更吞大楓子丸

大楓子丸 大楓子 十七 右為末米糊丸無槌子大日

用三十粒兼用白丸利腸胃

白丸方 巴豆 四泉去皮膜入乳鉢內搗如泥

右米糊丸作四枚濕紙包裹煨以紙微焦為度○用法壯者一日用四丸○弱者用三丸其欲用之則先斷鹽

二日而早晨頓服當大便屢下利若利下不止則宜以味嚼汁及白粥冷食即止

震靈丸 治癩疾之神方

大楓子 去皮五錢 天石 五錢 大黃 黃蘗 各五錢 荆芥

爐甘石 各三錢 瓠瓜 燒存性 山櫻皮 燒存性各一錢五分

右八味細末為丸分作九十圓壹粒重壹錢四分日服三粒白湯下○凡服此丸至十日則臨臥宜服金聲散

金聲散 大黃 十錢 川芎 八錢 蕎麥 五錢

右細末臨臥以壹錢半溫酒送下次早宜下玉振丸

玉振丸

白丑

木香

川芎

各四錢

巴豆

二分半

乾薑

一錢半

右為末，薄稀糊丸，梧子大，第十一日臨臥，以五分白湯吞下，與此丸之日，不可服震靈丸。

崎陽一瘍醫某授其所秘之膏藥方於余，甚簡易且不用獸脂，余屢試應效如神，不忍自秘，乃錄以弘傳，雖非瘍醫家家製，以常貯，宜臨時施之。

跋：日栗膏，不論癰疽發背，一切腫瘍，貼之聚毒化膿，尤神妙。已潰膿者，吸膿生肉，而腫自愈。

瀝青

五十錢宜用紅毛產

黃蠟

十錢冬月用七錢

麻油 一合

先煮麻油片時許，挑貼紙以不暈為度，乃下黃蠟瀝青，令溶化攪轉，用細舊絹濾淨，納貯瓷器，隨見症宜加

減。○欲令腐潰，則加巴豆膽礬銅綠。○痛甚者，加乳香

沒藥。○瘡痒者，加枯礬。○潰後不肉起者，加水乃伊。○

新肉漸長，腐肉未盡去者，以干膚刺膏等分，和勻。○腐

肉漸去，新肉已長，而猶不斂口者，加輕粉。○瘡久不潰，

欲為內攻者，加失質必兒末，過篤少許。

干膚刺膏

貼諸瘡，止痛散血，熱治丹毒打撲五痔。

白蠟

二十錢

白麻油

一合

龍腦

粉錫

各四錢

先以白薔薇花四錢半，浸麻油中一宿，乃上火煮片時

瀘去滓入白蠟將柳木篦攪轉須溶化下火再瀘淨更入粉錫龍腦又攪轉納貯瓷器

鷓鴣斯膏 治下疳漏瘡久不斂口其他瘡瘍荏苒難瘳者

松脂錢四十 沒藥八錢 銅綠錢十七 乳香十錢 蜜陀僧八錢

麻油錢六十 黃蠟錢五十 豬脂錢四十 米醋一合

右前五味極細末先將黃蠟松脂豬脂麻油文火煮五六沸用細舊絹瀘去渣再上火入乳香沒藥滅火攪勻須臾入銅綠蜜陀僧而後入米醋攪轉千遍勿止手密乙曬乙膏 治諸瘡瘍及濕痰結核筋骨疼痛肩背腰

痛

鉛丹錢十二 黃蠟錢二十 麻油一合

右先煮麻油次下黃蠟更入松脂鉛丹攪轉瀘去滓再上火然後入少水則忽沸溢如湯再攪轉一爨時候水氣去乃收貯磁罐

底野迦真方十五 明艾儒略曰如德亞之西有國名達馬斯

谷土人製一藥甚良名的里亞加能治百病尤解諸毒有試之者先覓一毒蛇咬傷毒發腫脹乃以藥少許醃之無弗愈者各國甚珍異之云云嚮歲蠻船齎此藥其效能令痘瘡起脹而此藥近盛行醫俗往往用之衆疾

曩予就為阿蘭學者詢此方秘惜不敢傳是故以不能
詳其藥性不試之十年所頃一醫生自肥前州來從予
受業渠傳其真方於予蓋所得譯司基也今之庸醫未
詳底野迦為何物而有漫稱奇藥者豈醫之志也哉因
舉于此以弘其傳焉欲令天下人知其配合藥品以臨
症用之不誤爾此予之老婆心也

蝮蛇

去頭尾及皮割腹去腸唯留心與肝洗淨乃石臼
內搗爛取起入鍋內以文武火加上下焙乾如作
蒸米法其稍乾後入臼中搗之更加白
蜜三倍鍋內炒過而後為細末二十四錢

捷地亞捺根

草名和蘭本州有大小二種其小者形
狀主治與龍膽正同故今用龍膽八錢

設獨亞栗乙根

草名今換用高良薑八錢

的蠟矢及羅怛今以赤石脂代之十六錢

安傑栗加白芷屬今代之四錢

沒藥和蘭稱印訶狹室茂刺者最上好品宜擇用八錢

石硫黃明淨瑩徹者八錢

泊夫藍四錢或七錢

桂七錢或八錢

重樓金線

和蘭稱設扁蒲蠟獨屋尔的兒此品漢船雜
之甘松或蒼朮中而來蓋以竊斤量爾宜採
索藥舖中以堅硬
肥大為佳四錢

丁子三錢

阿片壓定為扁者

佛手柑自然汁各三錢或七錢

右十三味除阿片佛手柑汁搗餘藥為末而入二味鉢
內和勻乃將杜松糕製法見後蜂蜜各等分加水劑之徐
量各三倍徐
徐加之共研勻如泥令可丸而釜內重湯煮候和下火

冷定收貯天明壬寅歲和蘭人入貢有荷楚知心幾者曰此方如法製煉收貯歷一年許而後再

煮和勻更執云

杜松糕法 杜松實和名年詞薩一斤搗細好酒三升內

浸一宿次日露器煮取汁

主治天行溫疫頭痛發熱能發汗又能益心氣令人安眠

或胃膈窒塞怔忡心氣不寧或嘔吐下利及諸熱凶惡

証其他疝疼積痛和諸痛解諸毒又用痘瘡令起服○

凡熱熾者醋和調服○勞瘵初起者用此尤効○癩癧

瘡疾疫疾熱往來久不止者燒耐或麻油勻塗背奇效

○疔瘡便毒及螫蟲狗鼠咬傷等亦燒耐解開塗患處

亦貼火傷湯泡即效

每用一錢或二錢以醋或溫酒送下○凡諸邪毒壯熱

証其邪火日加者宜和醋與之能折其病勢令其速解

散

亞尔牟的栗亞加方亞尔牟者言賤也蓋此方以為貧賤者設也

月桂用實或和名 沒藥 龍膽 馬兜鈴各十錢

右先以沒藥碎細而下餘藥共搗和為末加上好蜂蜜

研調上文火煮以木條子攪不可住手俟如膏為度下

火冷定密器收貯聽用

主治諸中毒或蟲獸諸傷或傳染諸病肚腹疼痛或搗搦

拘攣失心顛眩每服小兒自二三釐至一分大人強壯者自一錢至二錢○凡天行疫疾瘧疾及一切潮熱或心胃小腹諸痛及便毒並背脊手足硬腫等諸症以燒酎或麻油和勻敷之皆悉有效

○舌疳方 十六

金粉散 治舌疳如神

硼砂 柒分 白檀 伍分 丹砂 乙泉 烏梅 伍分 鬱金 柒分

金粉 乙泉

右為細末分作紙撚六條先入麻油於盞中將一條浸之點火如尋常燈火法另取黑豆三合以水三升煮取

二升竝冷定含口中然後嗅煙若豆汁得溫則換之日用二條○此方岡本朴仙秘方而上總州圓城良庵所屢經驗予得此方甚艱今不吝秘公之

○骨靛 十七

金鳳散 治魚骨靛及竹木刺神效方

鳳仙草 花實莖根俱燒存性 青松葉 燒存性各等分

右細末每服五分溫酒送下此方非但治魚骨靛咽其他竹木金銀銅鐵等刺身體不出者一服見效真絕世神方也東都本街一藥店賣此藥日得數千錢

下血塊妙方 十八

魁蛤燒 右為末米糊丸梧子大每服五十九數日而

當下血若塊減者宜加生蒲黃餌食亦宜魁蛤藕根

金瘡鐵扇散洗寬 治刀石諸傷起死回生神異靈驗難以

具述十九

象皮切薄片用小火焙黃色以乾為度勿令焦 龍骨各五錢用上白者生研

石灰歷數百年者佳 十栢香即栢香中之黑色者 飛礬將白礬入鍋內熬透便是

松香各一兩與栢香一同鑿化攪勻傾入冷水取出晾乾

以上六味共為細末貯磁罐中遇有刀石破傷者用藥

敷傷口以扇向傷處扇之立愈忌臥熱處如傷處發腫

煎黃連水用翎毛蘸塗之即消

沈氏醫案云傷處喜涼惡熱夏月宜臥涼地冬月忌臥熱

處傷口不必包裹致過煖難於結痂并忌飲酒以致血熱

忘行設遇傷處發腫以雞鵝翎毛蘸黃連水塗之可以立

愈至於敷藥之時若流血乃用扇血不流則不扇蓋熱血

逆出藥必隨血流去故藉扇力使血稍涼乃能凝結若血

不流則不必扇也

治瘰癧神效方此病喜着十指初指頭先作點泡 後始腫赤黑點瘰癧入心是也 二十一

杉葉芽 二錢 白梅肉 一錢

右二味細研以水一盞拌和以患處浸之日六七次其
水黏而痛立止若指頭潰爛露骨已欲頽落者用後方

閨模吉閨兒茂刺

丹礬 沒藥各等分 右二味蜜和勻敷患處

○諸病蒸洗經驗秘方 廿一

治痛風蒸洗法

杜松 八錢 水通 五錢 荆芥 三錢 防風 三錢

右以水一升五合煮連滓熏洗

治諸痛蒸洗法

杜松 上上 野菊花 上 鼠麴草 上 羌活 中

防風 中 細辛 下 煎法同前一方加獨活芍藥桔梗

癰疽發背諸腫瘍不能成膿者以之蒸洗之必潰而愈

鷄卵 一枚 麪粉 四合 葱白 一把 酒 一合 生薑 切一合

右以水五合煮乘熱慰患處其効如神

治陰門癢痒疼痛蒸洗法

艾葉 十五 苦參 七七 荆芥 十七 防風 五七 蛇床子 十七

連翹 三七

右以水一升五合煮取一升頻湔患處

治一切陰囊濕痒蒸洗法

陳茶 一撮 蒼朮 二錢 皮硝 三錢 花椒 蛇床子 各一錢

煨鹽 半兩 白礬 一錢 蒼耳子 量入

右水八合煎汁去渣入鹽消礬泡化先蒸後洗三四次

絕痒

治五痔慰藥方

忍冬

黃栢

黃連

薄荷

甘草皮

各三錢

葱白

五錢

荆芥

二錢

右以水一升五合煮取一升二合熏洗患處

又方

蛇床子

忍冬

各四錢

黃栢

石菖蒲

甘草

各二錢

白礬一錢

煎法同前或加荆芥三錢

治脫肛妙方

馬糞兩掬許入滾湯內攪和熏患處則瘡痒當甚乃傾

去之再以鷄屎一椀許入滾湯內蒸如前法三四日而必愈

○治瘰癧妙方 廿二

治瘰癧破爛連及脇腋臭穢難聞三五載十數載不愈者藥到病起用新出窰石灰一塊滴水化開成粉用生桐油調勻乾濕得中先以花椒葱煎湯洗淨其瘡以此塗之不數日全愈此法陳飛霞得一愚人屢取奇效云周襄歲治一老嫗瘰癧發結喉者以赤小豆石灰等分細末敷之全瘳

○牙齒疼痛 廿三

青囊瑣探下

三十九

靜儉堂

不論尋常牙齒痛及齩齒痛以速效散止痛散擦患上
止或含丁香飲亦可此皆熱因熱用之治法也又有酒客
內熱熾而用前方不效者宜開笑散又齩齒痛用諸藥并
不效者宜取昆布上鹽胡椒大許包裹於絹以麻線縛于
細竹條頭蘸熱麻油中乘熱印於齩齒臼中三兩次而痛
如掃絕妙

速效散 治牙齒疼痛如神

蘆薈 丁香 各四錢

右為細末敷患處立功

止痛散

胡椒 楊梅皮 焰硝 各等分

右為末擦患處則痛更甚須臾全安

丁香散

艾葉 大栝柳 花椒 十粒 丁子 三箇

右三味盛布袋滾湯浸須臾絞之以患齒齩布袋熏之
而後用藥汁含漱

開笑散

牙茶 四錢 大黃 黃芩 升麻 當歸 地黃

牡丹皮 各二錢 細辛 五分

右八味以水五合煮取一合頻含漱

治牙痛齩齒痛方

燕尿長夏日

右細末麻油和勻隨齒痛左右以少許入耳中即愈

治齩齒疼痛灸法

上齒痛者灸足三里下齒痛者灸列缺

醫學質驗五種青囊瑣探下卷畢

片倉元周先生家書藏板

徽癘新書二卷

屠蘇考一卷

傷寒啓微三卷

產科發蒙六卷

保嬰須知嗣刻

雜病試效嗣刻

青囊瑣探二卷

享和改元辛酉二月

東都書林

須原屋茂兵衛

須原屋伊八發兌

須原屋善五郎

